

1561 Հայոց թվ. Ռժորդի, նոյեմբեր ամսեանն ԺԳորդի: Փառք Աստուծոյ Հօր անմահի, և Որդւոյն Աստուծոյ Միածնի, և Ս. Հոգւոյն ճշմարտի, այժմ և յաւէտ յաւիտեանս. ամէն: Որ ետ մեզ կարողութիւն համբերութեան իւր ամենազօր մարդասիրութեամբն, և հասոյց զմեզ յայսմ ժամուս, զոր տեսաք զհալածումն և աւարումն նեղչաց և հալածչաց մերոց. որպէս և զրեալ կայ ի գրին այսմ առաջագոյն, եթէ որչափ փորձանս և հալածումս յարուցին ի վերայ ողորմելի և անտիրացեալ ազգիս մերոյ, այդ խուժադուժ երկրին իշխանն, որ կոչի Օլախաց, ամբարիշտ և պիղծ պարոն Ալեքըանտր, որ էր որդին կորստեանն և մարդն անօրէնութեան, ժառանգ դժօխոց և Նեոան կարապետն, հպարտացեալ ի վերայ փառաց իւրոց, իբրև զաստանայ. համորձակեցաւ ետ պիղծ և լիրբ անզգամութեամբ զայսչափ ան

Ի լուսանալ չորեքշաբթին՝
 Պարոնն եկաւ ի Վեստեակն,
 Եւ գինչ Օլախ կայր Սեչովին
 Ժողովեցան ի միասին.
 Այլ չար հրաման արար կրկին,
 Զինչ որ գրեանք կայր Վեստեակն՝
 Զարժաթապատ զաւետարնին
 Զանգին գրեանք Հայոց ազգին,
 Հանին ի դուռն ի Վեստեակն
 Եւ փայտի պէս կըտորտեցին.
 Այն անօրէն պիղծ Օլախնին
 Զամէն գրեանքըն այրեցին:
 Ծոհեֆան Պարոնն ի Վեստեակն էր,
 Ի բարձր տեղիք նստել էր.
 ԶՀայոց օրէնքըն բամբասէր,
 Վերուստ հայէր և ծիծաղէր:
 Սեչով քաղդի զեկեղեցին
 Եւ ըզվաններն Հայոց ազգին՝
 Զորն այրեցին և աւերեցին,
 Մինչև ի հիմրն հասուցին.
 Զամէն զանկակն և պատկերքնին
 Տարան իւրեանց եկեղեցին,
 Ասեն. Արժան չէ այս Հային,
 Դոքս վայել են մեր ազգին.
 Յետոյ հրաման եկաւ կրկին,
 Ասաց, Բերէք զՀայ երկնցին,
 ԶՎոյթ տանուտէրքն և Պըրկարնին 1
 Զկանայք և աղջկուքն ի միասին.

Բազում առմաշեր սփռեցան
 Քաղքին տըներն և մորեստան,
 ԶՀայոց ազգն զորս որ գըտան,
 Թէ քահանայ թէ աշխարհական,
 Զոմանք փոսէն ի դուրս հանին,
 Ծառք ի մորին գըտան բերին,
 Կանայք բազում և աղջըկնին,
 Կորահարսներ ու երկցակին.
 Զոմանց ըզձեւըն կապեցին,
 Եւ շառք մազէն ի քարչ բերին.
 Բերին ի դուռն Վեստեակն,
 Անտանելի շարչարեցին:
 Այն վոյվոտայն պեղծ Ծոհեֆան
 Որ ինքն եղաւ զիւաց դարան,
 Ասաց. Հայեր դուք միաբան,
 Ունկըն 2 դըրէք ամենեքեան.
 Այդ բնչ հաւատք որ կու պաշտէք,
 Ամէն ազգէ դուք ի դուրս էք,
 Որ դուք ամէնքըզ մուար էք,
 Եկէք ի մեր հաւատն մտէք 3:
 Ասցին Հայերըն միաբան.
 Լըսէ Պարոն մեր Ծոհեֆան,
 Մենք քրիստոնեայ եմք միաբան 4
 Եւ մկըրտած ի յաւազան:
 Պեղծ վոյվոտան Օլախ ազգի
 Պատասխանեաց Հայոց դասի 5
 Եկէք մտէք հաւատ Հոռմի,
 Ծատ մեծութիւն տամ ես ձեզի:

1. Իշխանաւոր կամ հոգեոյ ինչպէս Procureur. 4. Քրիստոնեայ եմք ամենեքեան:
 2. Այլ Օ. Այնչ:
 3. Եկէք ամենքդ Օլախ եղէք ի մեր հաւատն մկըրտեցէք:
 5. Ազգի: